

## INDUSTRY DIN DUHTE DAN LEH HRAI HRIAT TURTE

*C.Dawngzalala  
Assistant Director  
Commerce & Industries*

He article hi kum hnih/khat kalta velah khan Industry Meichher-ah hian ka ziak tawh a, Chu loah chuan Entrepreneurs Development Programme (EDP) velah te paper ka lo present zeuh zeuh tawh bawk a. Chuti chung chuan ziah leh \ula hriatna a awm a ni chek ang chu maw, sawmna ka dawn takah chuan ka'n ziak leh a ni.

'Tia, sawmna ka'n hmuh takah chuan industry chu dan zawm tur tam tak awm a nih avangin dan hre loa kal chi a ni lo tih industry din tumte'n an hriat loh chuan beidawna thlen thei a nih avangin dan hriat hi himna a nih rualin hlawhtlinna pawh a ni. Chu chu he chanchinbu tum tak mai, industry din tumte tan kawng kawhmuhtu pawimawh tak 'Meichher' a chhitna chi khat ni ngei se tih hi ziaktu beiseina a ni e.

Amaherawhchu chipchiarin sawi hman a ni dawn lo a, "Hetiang hi a lo awm reng a" tih kan hriat a; mite rawn nachang kan hriat phahna a nih chuan \ha thawkhat turah ngai ila. Pakhat pawh sawi fe tham a ni vek mai. Thil danglam leh hmasawn zel thil lo danglam hret pawh lo awm thei a ni a, chung avanga sawi sual a awm a nih chuan inhriat thiamah ti ila.

### 1) GUIDE TO MICRO, SMALL AND MEDIUM ENTERPRISE :

Hei hi 2006 daih tawha sawrkarin a siam, vawi eng emaw zat ennawn leh Notification eng emaw zatin a umzui tawh a ni. Heta sawi \ul ta chu i industry din duh kha eng anga lian nge, eng chi nge, entir nan; Manufacturing nge, service sector; tah chuan micro nge, small nge medium nge tihte a lo hrih thei ang che. Tin, he dan hian thil an siam emaw siam lo emaw enterprise-ah a khung ta vek a. Engmah siam lo dawr te pawh he dan chhungah vek an awm tawh tihna a nih chu. Chu chang a ni lo, thil siamsa lei leh hralh chung changa harsatna awm chinfel dan tur te, sawrkara inziahluh dan turte he dan bu hian a hrih thei ang che.

### 2) ROAD TO PRIDE AND PROGRESS PMEGP:

Hei hi tun hma lama PMRY kan tih \hin kha a ni a. Tah hian PMEGP dil dan, dil theih loh chi (Negative list), dil turin eng nge thil \ul, khawi office nge pan tur; tihte a awm vek mai. Chutih rualin online-a tih tur a nih tawh avangin computer lama thiamna neih ve deuh a ngai.

### 3) UAM:

Hei hi a lampum chu Udyog Aadhaar Memorandum (UAM) tihna a ni a, industry din duhte sawrkara inzialuhna a ni a. Entrepreneur Memorandum I & II thlakna a ni. Online a ni a, application file-na tur chu <http://udhyogaadhaar.gov.in> a ni. He website-a i luh chuan tih tur/neih ngai chu i hre thei ang. I file fel chuan registration certificate leh acknowledgement certificate a rawn pe nghal ang che ang a. Tahchuan i industry chu manufacturing nge service; small nge, micro nge medium tih pawh a rawn lang vek tawh ang. Certificate hi a photo copy DIC-ah i pe dawn nia. I bedroom a\ang pawhin i in-register thei tihna a nih chu. Ti tak tak lo a nih chuan i registration kha General Manager, DIC-in a bedroom a\ang vekin a lo paih (delete) sak thei che tih erawh i hre bawh dawn nia,

### 4) FSSAI, 2006:

Hei hi a awmzia chu Food Safety & Standard Authority of India tihna a ni a, 2006 kuma Ministry of Health and Family Welfare-in a siam a ni a. Mipuiin ei leh in thianghlim, tui leh hrisel, tharlam taka kan hmuh theihna tura dan siam a nih chu. Food lam mite a kawh bik a ni. Tin, ei leh in tur thianghlim lo, in pawlh dalsak leh chutiang zawrh/hralh khapna tiin a sawi theih bawh. Ei leh in sawngbawlna hmun thianghlim leh nalh lam pawh a huam tel a. He dan kengkawhtu chu Mizoramah chuan Health & Family Welfare (Food & Drug Control) an ni. He mite hnenah hian kal a, an remtihna lehka neih tel a ngai. Dan zawm loh avanga mihring tawrhna a thlen chuan hremna a sang em em a ni.

### 5) GST:

Hei hi a awmzia chu Goods and Service Tax (GST) tihna a ni. Kum 2017, July ni khat a\angin India sawrkarin a hmang \an a. Sumdawwna chhiah a ni ber mai. Sumdawng lian leh te deuh pawhin za zela chhutin chhiah in-ang an chawina tur a ni. Online-a inzialuh a ngai a. Item hrang hrangah rate a danglam avangin a chipchir chu Taxation lama zawh mai chi a ni.

### 6) AMC:

Hei hi chu kan hre tlang awm e. Aizawla cheng tan bik a ni a. AMC hi Act hnuaiia din a nih angin, hei hian hriatpui/remtihna a ngai an tih chuan namnul theih a ni lo vang. |ul lo chi a awm thei bawh

### 7) IAMC:

Hei hi industry dintute tana sawrkarin ram a hauhsaksa enkawlna dan a ni a. Industry ni lo tan pek phal a ni lo. Peksa pawh industry atan hman \angkai loh chuan tihtawp (cancell) leh nghal theih a ni. Dil dan, pek dan, cancel leh theih dan, peksa te fee pek dan tur te he Act hnuaiiah hian a awm.

#### 8) NEIIPP/NEIDS:

Hei hi North East Industrial & Investment Promotion Policy 2007-a DIPP-in North East-a mite tana a siam, ennawna North East Industrial Development Scheme-a thlak tak a ni. Kum 2017 a\anga hman tura tih a ni a, Mizoram leh North East tana \ha tawk lo, siam \hat ngai a la awm nualin a hriat a, la enzui zel a ni. Industry lian deuh tana Subsidy Scheme a ni.

#### 9) RULES FOR THE GRAND OF INCENTIVE/SUBSIDIES UNDER THE INDUSTRIAL POLICY OF 1989 (Amended from time to time):

Hei hi industry tenau deuh, Mizoram sawrkarin subsidy a pek theihna tura dan a ni. Pek theihna scheme thlan bik 9 lai a awm.

#### 10) MPCB:

Hei hi chu Mizoram Pollution Control Board tihna a ni mai a. I industry din tur kha bengchheng, tui chhia, thli chhia leh rimchhe siam thei a nih chuan an remtihpuina a ngai dawn. Khawtlang leh \henawm khawveng tan hnawk leh hriselna atana \ha lo a ni thei si a.

#### 11) Packing Commodities Act, 2011:

Hei hi Ministry Affairs, Food & Public Distribution hnuai Legal Metrology-in kum 2011-a siam a ni a. Pack kan tih mai - fun, bur chhunga khung, char phui ang chi a huam vek a. Food item-a thil ei/hmeh/kam ram mai theih ho (ready treat (RTE) ho lam bik a ni a.

He dan hian thilsiam chu eng ang hmanga siam nge, a pack laia a rih zawng, a awm rei theih zawng siam leh pack ni leh thla, siamtu address leh thil dang a kawm or a pangah ziah ngei a phut a ni.

Industry Meichher  
Oct-Dec, 2019